

企齋集

共八卷

~ 16
2412
7



企齋別集卷之一

詩

中廟挽章

謳歌新數屬仁人眼見 龍飛四十春三島
 瑞雲鯨息浪九天恩露鳳啣綸百年章會君
 臣契一語偏承父子親耿々絨封空在髓尚
 監知國不知身
 平日承 恩侍九重幾回經幄每從容紅雲
 一散將何及黃鳥空啼竟未從天上吉儀歸
 帝所人間遺俗禳堯封橋山松橋迷弓劍哭

2412
8-7



盡千年更可逢

昇遐日東方有紅雲如龍形以散

仁廟挽詞

精一傳心繼執中自將知遇動昭融商家未
需思賢兩舜殿絳薰解愠風事業縱隨浮世
遠江流不與盛名東滿襟血淚無邊恨豈為
微臣哭道窮

聖學歸時敏天工屬日新深憂唯述職一念
是安民有實陵名 孝無私謚曰 仁千年
知遇意頭白泣遺臣

書國墓初監題名軸

千年知遇盛於斯天道胡寧忍此為還把經
綸敦匠事却將文物換喪儀同心有約多艱
日白首無忘在疾時監罷告歸相向哭一篇
題軸當哀詞

鄙人於前春叨作張 天使遠接逆子
義順館歸又送之鴨綠江別來歲且周
矣今又以命陪王 天使遊賞漢江於
舟中問其起居則出使楚國云不揆語
拙敢再用前韻屬意于張公以寓景仰
不已之懷幸恕狂僭

欲達微情不敢千憶曾江上對春盤一年東
海音書斷千里吳洲張天使家在吳雪月寒
別後未知能記我思時唯願幸加餐何方丁
化琴高鯉更躍龍門上急湍
連年東服又南藩四海名傳萬口喧誰憐離
別驚衰骨為愛珠璣集緒言漢水即今逢彩
鳳楚雲何處聽啼猿歸朝倘問吾行止報
主無心返故園

二聖實錄廳契會圖 并序

嘉靖二十三年甲辰冬十一月 中宗

恭僖大王升遐翌年乙巳秋七月 仁
宗榮靖大王又升遐 二聖繼陟國家
多事越明年丙午秋始設 實錄廳極
選朝臣皆職帶春秋掌其事分三廳
各有上官下僚集史氏之記而筆削之
又有都廳考其筆削之當否而證定之
又以三公中一人為之摠裁焉然後乃
成正稿而印之以鑄字其為事甚重歷
五載而功告訖庚戌十月初六日 奉
安于內史閣翌年春乃洗草于遮日巖

賜酒樂而燕之古也以光漢為太史使
之奉案于惟新暨星州之史閣以終
責任權奉安于全州嗚呼臣而不死
忍脩二君父實錄于一廳當何以為
心聊記成績且畫其事列書諸公名字
于其下夫記成績者不忘其勤也畫其
事者榮君賜也書名字者示茲會之
盛而且契于心也其詩曰
堯享精一舜祗承二典編成歲五蒸天上秘
書隨水化人間遺事似龍騰
恩榮此日還

堪畫文獻他年亦足徵未死白頭虞史在列
仙芳籍忝同登

階上見蓂花偶吟

土階三級是因山秋草荒涼露已團最愛傍
欄紅慕采怡看曾映暮江寒

送濟州牧林錦湖

不一 姪情親叔姪間昔年婉孌眼曾看唯將翰
墨飛騰速未識風波道路難弓劍久從臨北
狄節旄今復鎮南蠻平時事業非浮海擬作
雲鵬九萬搏

年少寬心白首傷海天何處送飛鯨鯨鯢浪
惡雲中黑擲袖林暄雪後黃物象盡輸排句
壯情懷都付引杯長一家管鑰分南北兩地
風塵妾 覽光
聞說耽羅古國雄物華殷茂水煙蒸黃柑白
蠟南中羨善馬嘉魚天下稱鵬翼擺雲溟海
角杜鵑啼血瘴溪藤知渠苦思應無寐挑盡
長宵一點燈

沉痛 先王繼上賓白頭誰憫老孤臣西山
吉仗明朝發南海孤帆幾日陳何處獨吟雲

入眼自然相憶血雷中想應萬里傳消息賴
有春來鴈到頻

山齋偶吟

三月清霜著柳堤朝暎初射竹窓虛花枝欲
嫩寒猶澁烏語思柔暖未舒多病主人頭盡
白獨憐花鳥興全除唯存舊習時相會案上
風翻太古書

書孤山黃 耆老 梅鶴軒

學得新書獨絕倫筆端花絮散餘春添成梅
塢紅芳怨換却鴉籠白鶴馴應使孤山還有

主豈容東洛久無人他年闕苑相逢處
尚憶青城舊姓申

題銀臺契軸

銀臺欲曙燭花摧閭闔初開佩響來
六坐數從南斗設七魁提向北辰回
龍光共荷三時接鳳製頻將五色裁
同盡乃心諧得允更脩蘭契稱霞杯

次來韻答舍兄

棣萼相望會面稀暮年消息日三希
兄宜老爵君思斷弟任文衡國事非
椒井告休曾

未遂胎封歸計願無違心如流水源
去身被高人屑之譏

次安樂堂韻

樂在心安不願餘堂成唯喜閉門書
右軍池黑功名薄揚子經玄事業虛
漢水春容雲去後角峯秋色雨晴初
百年今作風光主人世居常少似渠

奉送鄭仁甫

馮鍾

觀察嶺南道

前年送別任觀察駱洞烟花錦似紅
今日送君花又謝年之春事別離中

萬事隨緣可自由經營不悔白添頭三年七
寶亭中月還照天南轟石樓
三十年前識面人只今真箇是心親移籌欲
數論文會醉折花枝更幾春
聖君惻怛勤南顧使者何心賦址山自有勞
謙功可許他人作晏嬰看

簡謝羅監司寄韓詩外傳薛公讀書錄

畫龍寶墨

老眼花昏世事疎有心猶愛古人書韓公文
字先秦習薛氏功夫盛宋餘善誘知君無博

約長途憐我竟躊躇中山禿穎曾無用研得
龍煤更起予

家在驪陽元亭去此只隔一息以擬思
歸之什次竹山板上韻

絲。塵事轉頭新貴賤雖殊是一人今日驛
途迎迓使昔年公館傲看賓重來雲物春還
晚依舊湖山跡已陳家在望中歸不得倚風
料理更傷神

雲外家山隔舊遊客軒終日念茲留逢迎有
主今誰主花鳥無愁定欲愁回首更聽鶉叫

樹披襟重上鳳栖樓歸心每被
君恩繫鏡
裏分明白盡頭

奉送任武伯

虎臣

觀察慶尚道

玉節下重霄星文照使軺東風携惠澤南雨
洗枯焦海濶雲臺敞天長鳥嶺遙相思成一
歲鬢髮白蕭々

年老傷春又惜離一筵佳會十分奇鷄城驛
騎嘶門柳駱洞山花映酒卮青眼耽堪論舊
意白頭何處要新知嶠南多少風流地儻憶
相逢駕鶴時

十載前與公始遇於黃澗之駕
鶴樓時公為驛宰

慶莊五詠次孫真庵韻

貧樂窩

山藏璞玉容常潤水有驪珠內自明蒲灑一
窩貧樂地若能圖畫帝應驚

松菊榭

籬菊園松處士我自然風掃地無埃幽香不
禁秋將晚涼籟深憐月下來

梅竹塢

梅竹交成一塢春想應觀物鮮傷神世間憑
取知音會莫道同心是二人

五柳洲

生得無何不管愁清陰唯佐主人遊自同元
亮門前柳莫比欄衡死後洲

嗽玉崑

嗽玉崑流徹底清只應茶味勝中冷已無却
曲傷吾足何用臨溪更濯纓

新造駱峯瀑泉精舍成嘉靖丙午端陽
後三日有同年之子新恩朴君民獻相
訪與之坐指示崑石曰城中復有儼美
于斯者乎朴君透曰吾先人有莊在峯

南偏崑石亦奇云敢將豈其然之意書
一律戲之

青城一面駱峯奇翠壁千尋瀑水垂拄杖獨
吟雲度後開窓誰見雨來時仙區幾處能如
此塵世何曾更有斯何謂南莊新朴子敢將
清勝等公之

求瓊玉膏於趙甥季任無示洪明仲兩
公趙曾為西伯洪為東伯皆劑是膏詩
以求之

人形鳥狀藥之良須得沙清與地黃玉兔搗

采成玉屑瓊膏凝處合瓊漿陰陽一伏傳神
火歲月千周周古棄却老扶衰方亦秘吾家
誰識有韓湘

韓湘道侶如邢尹並世洪君是尊洪自有仙
才後一念未應真訣契參同膏成瓊玉東西
伯惠及刀圭老病翁他日蓬萊歸去處不妨
聯輓馭清風

曉雨階上晚桃一樹餘花落盡嘆而口
號一絕

如寄生涯白髮翁三春看過却匆匆風搖雨

打今朝恨送盡桃花滿樹紅

意於曉雨桃花落盡添起開窓則濕紅
滿枝如帶怨淚瀟書此以寓愧謝之意
今朝雨是催詩雨未識花枝濕不飛慚愧怨
紅如帶淚主人晚却一年非

有治腫醫金守良不因方書心得其術
雖遇無名惡瘡治之則已活人甚衆嘗
見其效者鉅公文士多詠歌其事以羨
之間或病其不解方書若有譏其天得
之妙者余亦嘗患面疣賴此醫克去以

故又求余言甚勤因書一律以興之
羲軒之上本無書理寓人心道集虛百草嘗
來元自我一坦看透孰教渠應師扁鵲神為
視肯數庖丁刃有餘從此恠疣隨手散五音
那復托仙居

暮春晦前二日趙吏部來訪告以勿之
未得圍棋階上紅桃碧桃三色桃三樹
始綻又未能一顧賞而去可嘆浮名糾
身

花滿洛東春已謝風清窓北夏初生天機容

易光陰晚舍枕支離老病嬰人世正難逢吏
部誤邊能復對紋枰三桃開處勿之甚可得
重來拾落英

挽徐處士敬德

好古悲生晚探源味道真
燃糠繼宦辟食糲
任安貧身卧花潭久名編竹簡新斯人今又
歿何處善為隣

金吾蓮閣即事

官閣沉之尊膳魔烏紗未整晚風斜新涼暗
興清香渡却到荷池雨便多

酬李使君林居留贈

江干朱旆颺風飛
刺史行春過野扉
錦里敢言詩老在
習池還見醉人歸
三或薰浴期無躁
一挹蘭香頰不離
官府雲山雜
數會只今回首重依之

佳會俄成雲雨飛
幾時重見款柴扉
新詩已播千人去
小徑仍傳五馬歸
入眼停雲空靄靄
靄靄情春樹遠離離
看來意氣無新舊
倘得論文我欲依

挑花落盡柳花飛
一路棠蔭護竹扉
皴面白

頭驚歲晚綠陰黃
烏恨春歸空留住
句吟珠玉欲改緇衣賦
別離遙憶清心樓
上望暮江雲樹正因依

題五部戶籍廳契會圖

五坊隨處叨笙歌
半是朱門富貴家
強項向來無不問
舉杯相賀戶增多

送丁叅議應斗赴燕都

百年意氣逢知少
兩世交權父子間
青眼不因婚媾密
白頭尤覺別離難
丹楓黃菊秋添慄
鶴野燕山路渺漫
心切望雲身北極
却駭

忠孝一征鞍

亡妻姪林生未訪林居次其韻

索居誰復問寒温山下孤村雪擁門故國有情兄弟遠閑愁無意兔為奔兒童始喜親朋至隣里應驚笑語喧萬事思量今白首對渠那忍發長言

農家意

早久妨播種苗生退盛長農家常急工稼事極荒工未厭今秋熱還憂昨夜涼無令怨鷓鴣白露恐為霜

奉送朴狀元昌邦祐尹全州

自托心知四十春白頭多病却如新一
年一榜君魁榜三十三人我二人南北更堪雲樹別死生無負信書頻素鄉畫錦輝前後絕代元方季繼仁

題弘文館山水屏二首

雲山疊々水遙々江檻周遭勝會高直待暝鐘傳古刹月明歸去有漁舸
玉堂仙子極風流負送湖山興控舟不是幻成黃面老分明居士夢中遊

景思殿祭官契軸

解道威儀不可忘令人長誦斐然章
橋山萬歲逢柔隔閏殿三霜日月忙
空盡此時相向哭更謀何處獨居場
餘懷只托芝蘭契他日如聞祀事香

廣川途中

雙馬聯軒駕病翁小橋呼軋廣川東
溪雲釀雨屯白石樹耐霜紫紅物色
正逢秋日好詩情不與少年同驛亭
回首茅山杳應有人譏蕙帳空

季夏晦前一日移寓南山權相掌舊茅

仁卿用前韻宗和即事酬復

終南甲第舊名園微幸人傳屢扣門

當日元功稱絕代只今遺業付高孫

高騫階石壁苔紋爛繞屋松杉乳雀喧

倚寓柔堂猶視昔不妨傾蓋共清罇

烏鴨山中是故園一來遊宦閉柴門

還參鳳席論王霸不作牛經教子孫

心上事稀寧有役塵間機息自無喧

詩家五石能容酒却笑莊周誤大尊

憶元亨故園述已志

題杜城令所画二首

紅藜屏

曾向江鄉夜泊舟月明紅藜滿汀洲連拳白
鷺叢邊宿刺尾銀鱗葉底游堂上久知無此
物屏間却怪似前秋唯應京心緇塵化不獨
陳公玉鶴愁

鷄冠花屏

風流公子用功勞筆盡天機入兔毫晚節已
應摹菊逕幽芳先為寫蘭皋還令俗草尋常
撮亦作玉孫品格高有角也知羨見惡雞頭

今復好生毛

題山水障

花滿長春境家藏小洞夫吟多紅雨夕坐久
白雲邊瀑練明林杪橋虹倚石巔巾車歸亦
晚晴靄隔平川

贈別堂姪元亮潛之任嶺東郡

楓岳東來嶺隔天古城牢落海雲邊永郎遺
跡丹書在應結三千作地仙嶺東舊有三千棧
永郎乃其一也
一萬峯巒又二千海雲開盡玉嬋妍少時多

病今傷老終負名山此百年欲遊楓岳
而不得

追惟勝跡發長嗟三十年来夢一過疎雨落

霞鳴玉路馬蹄曾踏海棠花曾到嶺東追記舊事

山齋寒夜燭焚之坐覺風來竹有聲一作天

涯知己別春光空入洛陽城別夜山齋書事

平居不作尋常會頭白還悲送別送落羽遠

今驚到骨政成唯待召歸年

吟此絕欲書荷葉而不知荷葉元不受

書又吟一絕而戲之

花殘紅白實初團葉剪琅玕晚色寒不去敗

荷應有意令人深省盛衰間

曾聞垂露點牆衣欲卷盆荷寫所思百遍書
來無一字仙姿不受世間詩

梨峴路傍園牆裏有紅桃碧桃兩樹交

發年々春日往來時如二美人倚窗媚

無深可愛也今年只有紅桃獨開想碧

桃枯死感嘆成詩

年々傍路園牆裏紅碧桃花兩樹開淡々濃

濃枝對映來々去々首長回風光一損偏多

感春事中分半屬衰應是玉容羞伴俗只今

移向上清哉

用靈運詩軸韻畫後上人軸
家住江南已六年，偶隨秋水放江船。
重尋甍寺橋，憐舊一揖山僧性。覺圓宦味紅塵曾染，指儒林白首欲逃禪。題詩只記登臨日，不用人間萬口傳。

病中書事效香山辭

春風吹髮白鬢髮，已見清明愁裏過。花未開時先釀酒，初香日擬尋花後來光景詩。為使每到佳期，病作魔景物不殊。期又近，老夫多病奈詩何。

津營江舍于坡州久而不還書以問之
無示淚

離別多時安穩無，山花初拆鳥相呼。
青春笑爾營田舍，白髮悲吾倦宦途。
雖處江湖師範子，不應農圃學樊須。
門閭日有躊躇望，莫負徐卿待二雛。

庚戌仲秋望夕獨坐駱峯企齋得慶尚
監司李任公寄書對月書懷錄呈

人事天特劇，自傷一年容易仲秋望。
駱峯寂閒松無韻，蟾影婆娑桂有香。
地似鸞龍詩思

動人如鸞鳳嘯聲長難拋流轉今宵好獨與
水輪對舉觴

獨與水輪對舉觴嶠南何處共清光無端別
意中宵苦有限生涯底事忙夢裡難成謝池
草落時還照杜家梁空將尺素三回讀安得
飛騰墮爾傍

嘆百日紅枯樹

吾園不植名花只有百日紅一對愛
其久實荒時今而且枯寧不發嘆

冬寒腓衆卉嘉樹亦同罹尚愛搓牙掬寧思
爛熳時荒園添寂寞老病更支離欲買新花
艸華奢事又遲

閨服將赴驪興在舟中作

移舟撐近渚日暮是何鄉山翠侵水潤灘聲
入夢涼三年餘涕淚一夜轉悲傷却悔歸田
晚飄已舍未歲

贈送申博士

漢奉使嶺南仍過故里省

聘父

青春得意故鄉歸遠赴持環舅氏期龍縣已
看生翼日難忘猶記讀書時盈眸物色多新
態遮道歡迎盡稽知俱慶堂筵今復設函鍾
雖在定潛悲

題備邊司契會圖 并序

惟我東國三面受敵戎興狄與蠻之患自古有之至麗季而極矣我

太祖啓運以來布昭聖武經畧區畫已無餘策而歷世既多昇平又久邊將玩寇撫御失宜或致不寧者屢矣在中廟朝始置備邊司選朝中文武官上自公卿下至郎署有能知邊事者咸隸是司如有邊計不問大小與兵曹商議處置以故鮮有敗事近來尚倭

效順海絕賊船西戎之逼居者自諱遠移是雖 聖主懷柔漸被之所及而諸公訂謨定遠之效亦豈小補哉於是乎相與蒙 上之化樂時之平而修之為契事以擬折衝於罇俎之間非故玩時而失機者也李正郎戲乃其郎署也既為圖畫其事屢來請記於光漢而詠之以詩之曰

三面山河鎮大東安危唯有仗諸公要將罇俎籌邊策不用樓龜喜遠功已道海南無戰

金蘭八畫中
艦還聞塞外道極戎深謀雲鳥歸綿絕好事

挽宗室德林君

存亡追憶少年時四十秋來海鶴悲多折花
枝春送酒幾挑燈火夜彈碁相逢白首重論
舊此別黃泉未有期只賴滿庭蘭玉在金貂
無復映龍墀

寄旌善宰金同年 守卿

曾刺真珠過嶺東小桃源裏蹶仙蹤林間崖
蜜千房白霜後山梨萬顆紅綵鷓晚浮江碧

慶玉蕭清徹月明中如今卧病驪函外聞說
天官是著洪

題蘭竹梅屏四絕

離却蒲湘岸托根天一方涼風任怨訴折枝
非所傷 右唐人所画

誰謂絢華子而無食肉相移我綠筠叢生此

高堂上 右叢竹 柳荆書辰

孤山晚同調首陽非獨高應羞爾蕙化不與
入離騷 右梅

石古山門邃幽蘭枝葉長者渠應已化對久

不聞香

右蘭

有所思

秋艸雜、白露時夜深微月候蟲悲牽牛只
恨天津隔不識人間有別離

述懷

生於斯世志斯文欲把疎才擬致君江上田
園荒一半鏡中頭髮白三女兒初解語能傳
業女已歸人可謝紛自畫一身終老計豈如
高卧地山雲

中宗大王國葬都監契軸

太平三十九年春同是霑濡雨露人吉仗忍
裁新鳳翼宮車泣換舊龍輶禮成五月應無
闕浹盡三年尚有身取、絨封還托契異時
知免白頭新

水雲亭沙湖陰韻

高亭臨水挾雲飛剽、清塵不用揮水為雨
肥分幾道雲因風散解重圍心能不競添新
檻意興俱逢隱舊磯幽事已拚吾計得通來
無夢到黃扉

驪村寓興

全齋別集

卷一

國望山西白首翁
天民川上一絲風
黃花赤葉村醪熟
到處爭迎舊邵雍

題尚方契圖

尚方高選揔名流
蘭契何人畫後遊
綵線文添催刺繡
翠雲光惹進功裘
繡縫亦助垂衣化
黼黻應無補衮慶
歌得五絃公退後
六平餘事屬相酬

次申博士漢韻

雲松洞壑少人窺
意到羲皇白日遲
名利有羈身告病
金丹無術鬢垂絲
關門或啓綠駮

客懸榻時陳為善
棋看盡世情今喪
我後容一味老真知

余在昔年頗有杜老之癖
凡遇可喜之物便生詩思
必欲致工而乃已
邇來衰病日深
舉目園中稍無吟思
慨然強賦一律以示諸子弟

工部平生只愛奇
為貪佳句髮成絲
秋來始得休心法
老去都無謬興詩
庭菊想應開口笑
嵩峯寧有皺顏悲
從今賂洞園中物
如在軒轅夢裏時

哭全庵處士盧生楫

雲林城市竟悠悠，學得全心肯外求。
筆絕草玄添寂寞，塵留穿榻罷巖修。
慶莊十一亭誰主，鳴鳳千年山更幽。
從此青楓行路黑，桐花寺裏倘來遊。

吾伯兄同知公今年八十七歲久遜于
清之別墅常與俗離山僧戒祖遊。靖
甲寅仲春有日兄抵書與余且寄空詩
軸為戒祖求題曰此吾晚年靜徒也爾
其為我書首題以還余方在病中幸兄

之命力疾書一絕以副昔唐會昌年中
有白公居易結社香山與九老人遊年
皆七十有餘其中劉真吉較二人年俱
八十七歲正與兄同年獨僧如禡者年
最高九十五歲白居易年最少七十四
矣今者僧戒祖與吾兄遊則年又高矣
吾年乃今七十一少白公三歲約書戒
師之軸托空林之社以擬九老之末屬
以慰伯氏之勤教云

吾兄年已同劉吉社主應如老禡師若此者

山媿我少不好題擬九交詩

次遠接使諸公韻鴨綠江上送鄭仁甫
沈孟容赴京

持杯招興欲離魂誰似深情此送君同作天涯春後客各隨江上暮歸雲詩於別裏難成律酒到愁時未易曛直北燕山何處是不堪回首又西曛

甲寅仲春因病久四辭文衡之任得釋重負病若脫然夜寢甚甘曉聞簷雷始覺雨來即事書懷示松岡求和

簷雷聲傳覺夜徂凍融春雨灑寒蕪穿林暗報花消息度幕如探句有無酒甕欲香時漸好文衡初折病還蘇安閑適會從心欲深荷天恩到首濡

病中聞伯氏病重具藥物食餌送問兄有詩致謝其末聯曰不因珍味身何健深荷公恩過歲華其意乃曰老病已深藥不當服莫如珍餐云滋淡和韻

八十七年七十一弟兄長在別離何兩鄉消息悠悠處三豎侵凌日々加諸藥縱良爭似

命同胞皆壽已云多唯當努力加餐飯各盡
芳樽戀物華炳况今年八十七次七十四吾季也而
年且七十一同胞皆壽者謂是也

送日本正使僧安心東堂

流霞九醞幸同分身上猶存雨露痕歸意忽
隨龍舳動先聲應入馬洲聞息添渤海千重
浪喜作扶桑五色雲只為別離難再會白頭
惆悵倍思君

又用別韻

連年留滯客東韓竣得扶桑使事還郵館夜

深應見月水程春晚尚餘寒詩後快意盈新
篋花為恩光滿故山長風更借雲帆便萬里
滄溟一管間

詠剪翅孤鴈

雲羅一掛作羈孤厭伴群雞得食呼轉眄幾
看天外月却悲聲落小庭隅

詠史

堯

巍巍蕩蕩又煌煌一傳心冠百王當世不
曾知帝力至今何以慕陶唐

舜

深山鹿豕吾為友天下謳歌自不知千古衢
樽皆可酌至今人詠羣民詩

禹

唐虞禪代非天下堯舜相傳只一心與子與
賢人豈間更留功績到如今

湯

夏日如焚四海暝天心應為濟時人當年征
伐非吾事千載盤銘是日新

泰伯

清似夷齊道中權髮毛雖毀此心全誰知一
邑岐山下終讓謳歌與後賢

文

經緯為文更緝熙乾坤俯仰契包犧六州王
業三分二應許微心泰伯知

武

天命人心一日新殷商無祿孔維晨由來皇
極元非已却把彝倫訪舊臣

周公

吐握求賢坐待朝殷勤王業賦鷓鴣洛陽禮

樂斯為盛風雨年々海亦調

孔子

天高地厚參開闢玉振金聲貫始終四海當年空轍跡六經垂教百王同

顏子

終日心齋坐默然幾年鎖仰見高堅閑中三月皆天道陋巷簞瓢獨也賢

曾子

曾聞一貫即心通門弟三千獨得宗十傳有書功用大分明次第古今同

子思

綿之道學自家傳拈出中庸答後賢妙手不為天下用九經寒落托陳編

孟子

人欲橫流道不明一身難屈為鐘輕直將仁義閑先聖千里殷勤見魏營

周子

墜緒茫茫道已湮千年知復有斯人還將太極歸無極揭示分明二五真

程子

學者源流道有宗折衷同異幾緝縫一團和
氣春風秉親炙何人贊德容

程子

表出遺篇斷簡間一回瞻仰一回鑽歸來心
事無人會疏食單瓢樂孔顏

孟子

三根月窟幾經過親見包犧問泰和直到浩
然降順君教問安樂是吾商

張子

把燭孫思理益明古木無山訂頑銘莫言氣

質終難變須着先生化得成

朱子

沉潜仁義盡精微文在斯人道不墮把群
言歸有極家々今得見餘師

啓

歷數元來只在天莫言大禹不傳賢當時若
未能承繼萬國謳歌屬那邊

太甲

一念操存是聖功三年仁義自桐宮幾多今
古人能始輸與商王獨有終

高宗

恭默凝思道已存
分明心契夢相牽
而今不是天無帝
無復人君念在賢

成王

周召何嫌畧異同
流言能使聖居東
王心一與金縢啓
緣是聰明不是風

康王

周家王業久彌敷
丹雘構堂在子孫
黃髮尚知文武事
召公雖去畢公存

宣王

中興功業看巍々
吉甫文章召虎才
誰識宣王心獨苦
讀殘雲漢尚餘哀

稷

八年同禹奏難鮮
農始耕田賈貿遷
若論雍熙應有本
到今猶得作民天

工垂

土階茅殿巧何施
下法為矩上法規
有指不

契

曾竒技用莊生那
得攬工垂

民生日用是彝倫
已德朋來便作人
五教自

同時雨化十分能事在寬仁

臯陶

明刑弼教古臯陶四海風行九德調有象只
曰無用設後人元不識倫要
旣應設難孟持法不擬臯陶木強身也放大
君導海後却將天下屬何人

伯夷

典禮無踰天地人從來大事在精極想應揖
讓神喻裡三百三千搃是仁

夔

操得剛柔盡協中長言終合被絲桐神人和
順元由我莫道鏗鏘在鼓鍾

益

山澤蒸々草木春鳥聞鳴鳳獸遊麟當時萬
物皆吾與兩血風毛亦不仁

伊尹

出處經權儘自任彝倫雖變帝應臨爭知等
野耕雲日還有君民經濟心

傳說

箕星沉彩混塵埃一画肖形夢作媒卓軌正

應驚僻陋大才要在調鹽梅

呂望

清渭東流白髮垂一竿誰見釣璜時
悠々湖海多漁父不遇文王定不知

諸葛

寸高世晚草廬深日暮聊成梁甫吟
兩表忠言終不泯至今猶見老臣心

夷齊

飄然委國皎無塵獨把丹誠傲聖人
薇蕨本非延我壽一生唯解為彝倫

微子

商未淪時祭已亡忍將宗器見周王
亦知天廢終難復地下何慙乃祖湯

箕子

欲獻先王靖自持鳴琴誰識我心悲
歌成故國漸々麥明盡東方種々夷

比干

知與無知盡已心愛君那解愛吾身
剗腸白日明誠切宜並箕微共得仁

許由

許由之行如是而不在逸民之列
定是在莊周之寓言

喧耳風瓢亦亂真欲傳天下是何人箕山有
塚吾疑史聖論何曾失逸民

沮溺

海內山河戰伐塵耦耕非故亂人倫世間一
被虛名誤應悔平生值問津

四皓

皓首商顏四老人放歌長占紫芝春山中亦
厭秦家亂一起何嫌作漢賓

秦以不早
定天子亡

兩生

風塵草々立規模陸賈詩書說得無禮樂百

年聊復爾故孫那解識真儒

嚴光

天下風塵渠可濟更須頌我事肖形尋常已
識劉文叔甘作桐江一客星

初來本不求聞達豈是徘徊欲有為雖負故
人相助理漢廷無復賈生疑

陶潛

欲折吾腰老更慵不如歸去撫孤松當時司
馬無真種誰識南陽有卧龍

陳搏

大華山中闡道真
眼看花鳥一般春
醉者墜驢但可笑
豈曾留意屬猪人

范蠡

不遺一老詩人嘆
范蠡何心與種書
西施有面終難掩
湖海扁舟亦以居

莊周

驚倒在瀾筆不乾
寓言危語自無端
淳風一去難回朴
寧把荒唐弄世間

荀卿

勸學修身次第開
謂言不苟竟無裁
却將人

性都歸惡還偏
天真做善來

揚雄

玄經奧妙法言奇
百世無疑幾已
知在亂自同
千仞鳳保身終異
哲人詩

韓愈

經世文章句
新一篇原遠見精神
不日自有天資近
那得能言孟氏時

漢高

天人歸德若江河
一劍餘威四海加
縱有詩書安足事
霸心終止六風歌

項羽

堂之氣力竟何如，學劍無成吐學書。密擊詐坑皆戰罪，八年空為漢驅除。

蕭何

紛紛籍籍成塵誰識，祿潛解養民秦鹿一驚狗。亦逐漢家功業獨為人。

曹參

身瘡七十未為功，最在邊河約束中。清淨載歌天下相，莫將刀筆錯論公。

張良

當時六國無豪傑，五世韓臣有子房。吾志已酬秦楚了，劉邦看作漢家良。

韓信

英雄意氣負多，漢業成來聽楚歌。知勇竟為兒女困，一生操縱在蕭何。

周勃

能校漢業在寬仁，先帝三章代暴秦。太尉當年非失問，六軍都是為劉人。

婁敬

漢世何功賞奉春，却須公主要和親。終教枉

殺毛延壽口舌由来解誤人

狄梁公

歲之房州事已殆死誰任濟時才梁公自有回天力身入虞淵取日來

皇英

瀉納之間共守欽南薰幾聽在床裏蒼梧一去湘江綠淚血斑斑尚染林

陳皇后

長門如許隔蓬壺深鎖花枝露泣珠錯道相如工作賦千金難進汲長孺

明妃

當日朝廷少蓋臣六宮無數畫佳人早知一婦能平虜錯把丹青枉畫真

寧國公主

常隨阿保不踰壺遠嫁花門却渡河聞說荆釵能有配莫須生在帝王家

企齋別集卷之一

企齋別集卷之二

詩

風雨過月溪峽

截壁嵯岬十里橫綠江一路細紆縈平生粗
識安危分脚底風波未足驚

癸酉夏夢遊異境庚辰春出守三陟行
八旌善江山所歷惋若昔至惕然異之
乃舊日夢華遊也噫人之去就豈有數
存焉戲書一絕云

清江白石尚依然遙拜靈君禮百神再入鳳

城人不識孰分塵世夢非真

宿沃原驛

暇日鳴鐔過海山驛亭寥落水雲間
桃峇欲謝春無賴燕子初來客未還
身遠尚堪瞻北極路迷空復憶長安
更憐杜宇啼明月窓外誰栽竹萬竿

書野人林亭

一村孤寂萬山前白石清川儘可憐
徙倚小亭堪画處斷橋人渡夕陽邊
沿水循山盡日行偶逢樵徑躡仙巒
若教海

絕催錢吏白日蕭笙坐可聽

卜居驪陽以便省覲仍憶兄妹而作

驪陽卜築資身拙水落歸田始願違
兩地含情兄妹隔幾時回首鶴鴿飛
一琴修去絃難續三秀抽來茁已肥
清夢幾迷趨殿陛白雲猶喜近庭闈

書信幢禪師詩軸

幢師飛錫好仙遊今在頭陀最上頭
玄鶴養雛嵩竇暝白雲籠樹洞門幽
朝看旭日生滄海夜聽神龍徙古湫
物外逍遙他自得江湖

誰似使君憂

鳴沙路海棠盛開

金沙粲粲玉鏘鳴
碧海明夕照橫騎馬踏
殘新步障却疑身向石家行

詠海鷗

盡日窺魚立渚邊
有時拳足傍崑眠
海鷗自是機心在
驚見遊人莫近前

次竹西樓韻

遠客乘登玉漿樓
美人西望隔三秋
誰吹玉笛梅花落
獨倚朱軒涕泗流
陵谷自隨時世

變煙波空鎖古今愁
悠々未就歸田計
日暮支頤對白鷗

江山元未負名流
歷盡艱危更倚樓
今古詩篇多繪炙
登臨物色少分留
黃卷但從忘憂物
青眼時回不下鷗
歸夢豈知身已遠
通未偏繞鳳凰洲

書銅山驛亭

蓬島茫茫落日愁
白鷗飛盡海棠洲
如今始踏鳴沙路
四十年来舊夢遊

崔同年鏡浦別墅即事次昌邦韻

沙村日暮扣柴扉夕露微、欲濕衣江路火
明聞犬吠小童來報主人歸

與朴昌邦別三載餘吾守三陟昌邦作
都事會于凌波臺上縱觀東海極觀而
罷未幾邦之伯氏出刺江陵邦以故換
佐忠清幕行數日有招約觀通之叢石
亭追到銅山道賜而還簡寄以謝

嶺外三年別溟州此日逢凌波雲霞叢石
夢相從空負招尋約應憐病賜翁隣江新得
伯尚喜典刑同

海上口占別京洛故舊

蒼崖叢裏海聲壯白鳥飛過天色明千里斷
魂相送處暮雲零落傍孤城

次堤川縣板上韻

客况似將晚艱危路未平千山村店小萬木
縣齋清世遠難回朴身踈敢慮眠蕭、遲暮
意起觀玉繩橫

次昌平郡板上韻

官居渾似野人居簾外寒山暮雨餘橋醞只
日調藥設席塵曾未為賓除民稀自可弛禁

火俗朴何須用典書最恨石田霜早殺空梁
星月照無魚

峽中逢雨

雨自峽中暗我從湖外來一春都作客萬事
獨登臺導騎行相失前峯望或開悠々復何
向家在海東隈

星摩途中得家信

殘年初得嗣消息恐傳非客路雲頭盡歸心
馬首飛重逢無使至一向見人稀庶托吾家
舊高堂有舞衣

春遊觀音窟訪僧不遇

攢石峯巒急叅雲樹木齋春遊拂杖策獨往
問山樵芳艸西江暮挑茗古寺迷無目見老
衲心遠鳥空啼

途中感物故韋詩

迢遞青山重縈回流水曲雜花散餘芳衆卉
紛蒼綠年華徂行邁素心良不易已矣難重
陳相思瑩如玉

晚望

峽盡滄江遠沙平水驛開炊煙花外沒夕鳥

日邊回故國無消息孤舟有酒杯前山侵道
峻何處望蓬萊

海濱送崔山人歸

日暮臨東海滄茫別故人遠違荒徼雪歸趁
故山春物棄君無跡名存我自塵天南與塞
北零落松傷神

竹西樓八詠韻

竹藏古寺

佛殿虛無竹解圍江山良是舊僧非自同華
表千年鶴石塔猶存始得歸

依山村舍

山下孤煙認還村槿籬喬木帶柴門使君不
擾民無禁春火初明野外昏

隴頭饑婦

隣鷄喔，具晨餐徃向春耕斷隴間縱有荆
釵相對敬更無人載後車還

牛背牧童

陽坡柳葉已如眉日暮騎牛雨滿衣勤苦父
翁耕嶸嶺芒，無乃助苗歸

崑控清潭

衝波逆浪作回川萬玉峻增蓋古然初恠蒼
龍來飲水忽驚雲影鏡中遷

卧水木橋

長蛇日暮過前灘略勻搖々影倒瀾誰信濟
川功在木往來人作等閑看

臨流數魚

秋水澄鮮色若空小鱗翻玉大鱗紅濠梁此
日知魚樂一理參差萬不同

隔牆呼僧

欲喚居僧寺已空短牆頽盡木蘭叢浮圖獨

立春岑寂花雨依稀落晚風

昌邦傳昌世寄詩二律次韻簡答

十年狂簡不知裁叨入金鑾殿上陪西省夢
驚環佩斷東關心折瘴雲來唯將白酒酬生
日時對青山撥死灰京國故人霄漢裡目風
投與夜光枚

別君三載廢言詩更入蠻鄉去禮儀阨嶺晚
峯青簇々竹江秋石白差々相逢令弟吟俱
通遠寄崇華賦爾思共佐 明王頻報喜獨
尋煙圃攬芳芝

次烏竹軒韻

竹軒主人弈妙于秋飲過于伶全二
人之樂於一身而又能愛此君視世
之齷者遠矣嘗有四韻詩求和甚
勤戲書以還噫竹有香而世俗莫識
老杜獨有風吹細香之句於六及
之主人其亦有得於茲乎

辨得江湖未死身一軒烏竹萬夫隣家徒此
物貧為寶識止於君懶是珠碁局穩隨清影
轉酒罇和送細香新韓公錯有昏冥論同被

蘇仙俗了人

次崔同年韻

鴛鴦零不作雙蕭騷秋雨夜連江跡關斗
米頭將白辜負陶潛一北窓

與槐守別六載迂道相過又值出差但
對養猶子次板上韻簡寄

春山落日下亭瘦馬孤鞭指古城一郡荆
榛寒食後幾村籬落白煙生空看玉樹吟佳
句但寄魚鱗遠速情六載別離還徑去不應
留語為題名

次金密陽韻

白頭塵世尚虛名更佩銅章典一城只有歸
心催歲暮稍無遺愛在蒼生向來勲業猶須
重老去江湖未可輕聞道故人今卧病山陰
雪月幾回明

聞向湖山結好緣画堂新落鼓淵々樓日峻
址吞三島門對滄溟送百川鐵限擬成終老
計金章能挽欲休年春來定賦登臨樂座上
誰題白雪篇

西軒四時

春

勝日登臨霽景鮮江山明媚艷陽天傍籬紅
濕桃含雨繞渚青深柳帶煙造化著功還有
象物生隨分自無偏已將白雪裁春服欲試
東風更冱然

夏

欄外黃鸝韻綠槐仗君多暇日徘徊岸高始
覺前灘減山暝還疑暮雨來佳處屢目新句
會煩襟時為好風開琅玕青簟寒於水遠莫
扶柴火日煨

秋

軒壓層崖景上頭
窓含平野迥添愁
山呈列岫擎天立
水合郡川學海流
金鯽雨肥江鱸細
錦屏霜晚楚楓凋
荊州信美悲王粲
明月歸心且少留

冬

山外孤村少往還
雪晴江路細漫漫
田間鳥啄空林樂
樓上人憑短檻看
銀界遠連滄海濶
玉峯高拱暮天寒
前溪一夜層水閣
閑却漁家舊釣竿

詠古客館庭梅

古館蕭蕭客不來
風霜依舊一株梅
暗香疎影無人管
且爲東君寂寞開
風驚簾幕雪紛紛
頗恠墻苔改舊文
起視南枝春信滿
天涯流落幸逢君

用前寄韻重謝

衰年潦倒旅懷強
風雪侵人路政長
杜老只煩三夜夢
柳州空費九回腸
一封玉札投茅屋
萬里銀鱗到異鄉
熟薦已知榮遠賜
遺羹無所忍先嘗

次佔畢齋韻書普願禪師詩軸并序
往年遇師於臨瀛今年師又訪余於
海上袖持二物軸一簡一軸是佔畢
齋遺韻簡是吾同年石軒寄余也且
勸余相和噫佔畢吾所欽也石軒吾
所善也師之來振我也豈但聲音之
喜而已也與之坐古館偶值庭梅初
綻相視而笑書以為別

昔日臨瀛初遇師別來幾度費吟思却尋海
上真鷗伴暫與山中青鶴辭佔畢丈人曾與

進石軒從事更求隨相逢問道今何在矣拍

梅花景下枝

語曰與其進也易曰隨有求得五六使
此石軒非昌非號也今為關東都事

道自瞿曇已早聞至今麋鹿與同群青鞋踏
遍沙河路白首行穿嶺嶠雲心若死灰元昧
昧事如春夢漫紛々他年擬結蓮花社八萬
峯前更訪君

次映碧樓韻

平生多愛子長奇客裡春回青草池五馬未
成歸去日一官非負 聖明時天邊老子倚
樓處月下何人橫遂吹鑿殿書帷雲渺々十

年曾比帝王師

次桃源板上韻

桃光源裡昔經行青嶂崢嶸繚似城苔滿石
門無客到日斜江口有舟橫雲軒一跌三年
謫仙畧重遊萬古精却恐夜深笙鶴過月明
端坐小軒清

季女兒隨舅氏于錦山辛巳仲春二十
有一日以嫁期告慈闈曉發真珠任所
時維清明煙花暗野夕渡白伏嶺山雪
沒脛一日之內朝看花落夕涉堅冰可

嘆山峻而路險也口占一律示同行表

姪

杏憶南州古錦山別來稚女學粧髮邊城曉
啓花初落嶺路雲迷雪尚殘念汝三年忘險
阻思親一日已沈瀾如今去住從恩愛行趁
樵夫且早還

寒食道中

冥冥風雨禁煙時花木千村日色遲無數鷓
鴒啼翠竹客程春酒富金龜

山路即事

春騎瘦馬睡低垂却聽泉聲攪客思與爾無
情還惜別當花回首水邊枝

槐山謁先祖文忠公影

時宗子瀛
為郡守

憶在東湖賦別離六年如夢隔長思遠隨夕
照投山郭欲上朝香拭涕淚一國愁容眉欲
翠兩朝勳業鬢成絲應陪清廟年々事曾定
訐謨百代垂

清川過兄及妹村莊

迢々萱室海東陳季弟如今欲白頭日暮鵲
鴝飛更急紫荊花下重淹留

有妹三年貧賤離天涯相對夢如疑明朝嶺
外雲重阻不向慈闈說苦思

清川途中逢堂姪舊翰林潛蒼頭簡寄

憶君何處可逢君路入清川空白雲見說及
春行入洛為傳消息客中聞

題逆旅壁

光陰袞々春山改身世茫茫宦路行呂枕小
眠無一夢只應心已厭浮名

醮季女夜宿珍山村舍

客卧是誰家夢驚天一涯鄰鷄鳴不已山雨

夜如何暗水宣溪石輕香濕野花人生婚嫁
畢有酒且宜賒

別席走酬金密陽韻

海上相逢地清和夏景宜青山同舉酒白首
敢傷時零落神交遠蹉跎末路奇今朝又分
手回首一成悲

晝直薇垣偶吟

力疾憑烏几微涼院宇空丁寧鶯喚友霖霖
雨隨風只合成高卧漸無補 聖功獨搔裏
謝鬢愁對海棠紅

泛東湖

一舸秋風裡長江晚景時纖鱗盤上味急雨
望中奇坐得悠然趣行吟象外詩篙工豈知
此回棹說歸期

雨中適鑷白髮友生寄詩來仍次其韻
忘時未果衆驚猜行世都迷處不村泣壁久
悲知已遠續絃今得好懷開鑷殘白髮青菱
在落盡黃梅細雨來明日杖藜看野外共君
提酒籍蒿菜

在讀書堂聞李季雅孫道源入直玉堂

簡寄

寒浴書堂早閉門，滿床黃卷一燈昏。
礙牆雨葉秋先墮，落砌風泉夜更喧。
三接寵光非我分，百年心事向誰論。
閑中得句須相寄，為報金鑿李與孫。

月夜問伯圭家梅花開未

童稚情親各老衰，憶君其奈月明時。
城西二月春寒重，開到梅花第幾枝。

乞竹杖

有人傳說王孫宅，新斫階邊竹萬竿。
乞與一

莖扶老病，西風吟倚看雲山。

送李大立佐寧邊幕

聞道中原亂，胡兵夜襲遼。
西關新構壘，北虜欲生驕。
誰畫安邊策，君為卧幕僚。
平生翰墨手，草檄雪山遙。

草檄雪山遙，夜中驚斗刁。
雲深鐵騎陣，月苦犬羊巢。
但使胡塵靜，寧要戰級高。
天涯慰寡落，早報甲兵韜。

有公孫以賤生，不見錄落為編氓。
力文字自樹袖田，在所得詩蒿，以示余回次。

其末韻書其後

龍鍾於世貴公孫厭見風塵手覆翻袖裡一
編江海句起人歸意落田園

次松齋對雪韻

寒雲凝日暮落屑自天眠欲作漫山去還能
着樹輕恍添吾髮白如助爾詩清獨立山陰
靜空留憶戴情

送崔介之世節北道評事二律并序

敘云僕與崔介之素不相識聞其名
而願為之交則久矣今年秋同備負

撰集始與介之相識介之為秋園同
舉僕又叨從其後已恨相知之晚也
未幾北鄙有警書記難其人朝廷以
介之為選意於朝廷安邊之策得矣
於介之之行未為甚得意也詩可不
作以寓予別懷

文章藻鑑同分局人物權衡共作司晚歲相
知還似舊關山此別可無悲葡萄醉後應橫
槩雪月明時定賦詩千里故人南國老莫教
空恨報書遲

今日朝廷方北顧賢人一屈衆人驚平生翰
墨頭將白此去風沙眼不明老子尚堪期後
會山戎應已懾先聲殷勤許國孤忠在談笑
安邊事業成

送雲卿佐黃海幕

通籍聯班分已叨幾回銀燭對揮毫暫成幕
佐垂鵬翼要使邊氓識鳳毛落日獨臨西海
濶清宵遙望北辰高吟囊領得江山句莫惜
斜封寄我曹

送李宰相次野赴京奏請

秋氣淒々短景催別懷那得易爲裁即看國
有非常事誰道人無出衆之金闕夜光多按
劍玉河明月定傳杯知公此去應頭白未雪
先羞未擬回

送韓恕卿赴京奏請

沉痛先王未雪瑕復君專對富才華精誠
自可回天地日月真成照遁能使民彝還
得正豈容皇史久傳訛燕山過盡重陽節故
國無人就菊花

書堂偶吟

官閑不與趁朝衙 思許書堂管物華
高閣晚涼生 枕簟小池微雨淨
荷花十年多病身 餘幾此日悲秋意
有加襟抱欲開君不到黃昏徒倚數桮鴉

殘菊

寒花秋後不禁霜 步屨東籬謬喚香
青眼好枝盈掬翠白頭愁對亞枝黃
靈均既放雖憔悴元鎮餘生尚倔強
覽物憮然驚歲晚更懷風雨近重陽

九月十日東湖夜吟

黃花已負重陽日 白首來看江月明
誰識青城舊洞主 玉笙猶記昔年聲

榴花

名園岑寂葉交加 獨有安榴五月花
時過每嫌春事少 開遲還喜賞心多
紅雲嬌惹明苔砌 醉臉輕盈映碧紗
看取風霜朱實熟 莫教顛倒委泥沙

成都懷古

繁華昔日名都會 錦水花山鼓吹喧
訪舊不堪悲少帝 逢人猶自說公孫
千年戰伐遺金

簇萬古崢嶸有劍門酒肆琴臺今寂寞風流
還憶病文園

送韓節度赴忠清水營

鑿署銀臺出入榮久將衰朽忝同名絲綸制
詰曾看草簿俎臨邊此送行戰艦可輸滄海
粟鋤耰要事棘茨耕軍門夜寂嚴更永部伍
還能讀孝經

書堂飲松葉酒

却老扶衰非俗物水晶杯到不辭頻濃香騰
借下年葉騰味仍含萬古春肘後舊方傳秘

術躡前奇事屬詩人從今問字無須過自倒
華筵偃蹇身

賓鴻

葦荷枯折滿江鄉旅鴈歸飛有底忙天外叫
群霜月苦嶠南傳信道途長冥冥自要防繒
繳急非關為稻梁雲水洞庭無限好只應
來往避炎涼

華表鶴

千載仙遊舊令威俗緣猶在鶴思歸吟詩自
覺今身幻閱世還驚故國非白日已拚雲作

路黃塵難化雪為水眼前父老累三塚未信
悲心久更微

次鄭雲卿韻

風色蕭蕭薄暮寒閉門危坐整塵冠年侵疾
病衰容改鴈近園林舊雪殘願我清狂真自
累唯君厚意未應闌兒童喜報花牋至只是
從前作慣看

海內才名少似君九天雲翻看續翻胸緒萬
古詩堪編目擊當年道已存酬唱亦觀交際
重消埃期報 聖恩敷他時大廈要棟棟杞

韓應生正石園

送柳圭復節度北道

北門鎖鑰領方帟今日朝廷拔擢新征節遠
衝天嶺雪威名先懾虜中人

十載馬卿長卧病三年關月送將軍終南烽
火平安信日夕相思擬見君

送金國卿觀察湖南

人道誰知貴作男士生准願代逢三昭融契
合風雲盛天地 恩深雨露涵離別勿平
世義情懷款故人談周公召伯元無撞麟

趾關雖是二南

公曾觀塞嶺南南也

次諸先生韻送宋公欽尹全州

平世功名衆所推
挹芬叨八蕙蘭
惟曾參舊學
唯三省伯起新聲
是四知盤錯正應
領利器經綸聊復試
治絲完山從古雄
都會赤子如今戀
母慈

哭申龍岡景源

涵

居常悒悒淡潛潛
親舊彫零數我聞
漸老不知人世好
送君尤覺死離難
生平薄祿才為崇
身後多男善足觀
四十九年無復化
哭

何地是安山

年四十九

送副提學趙公元紀赴聖節

清秋白日行裝淡
赤紱金章駟馬驕
王事有程須趁節
別懷無限為停輶
黃河久擬千年應
紫極行看萬國朝
堪恨病夫徒局小
傍人唯聽說燕遼

藉甚聲名趙學士
素風清白荷殊恩
却日

專對觀周樂肯向
明時毀晉垣
天入沮江秋思
杳路經遼海暮
雲繁臺坡亦屬
青城老揖送那能
贈以言

挽權水原
曾於開府挹清芬
醉裡風標始識君
只恨數年中
外別不言
今日死生分
忍教鶴髮
兒女空使
龍頭載誌文
兩地謳吟
遺愛在鵬程
回首但青雲

企齋別集卷之二

企齋別集卷之三

詩

謝申仲容公謝寄燕山段帽炷香花牋
三物

辛苦萬回依舊面
殷勤三物寄燕山
烏紗巾角猶堪折
白骨塵埃未足彈
紙樣正同雲錦幅
香材還似鷓鴣斑
三薰苒帽清晨坐
欲寫花牋謝亦難

題畫馬屏八絕

殊相窮來變化纏
崢嶸瘦骨聳三山人
間嘯

乳者成乳曾道驪黃辨亦難
六尺青驥得意肥自從生長識胡兒牽來莫
獻唐天子恐踏峨嵋棧道危
西方勃氣毓成奇雪色拳毛照夜姿正可得
名天下白只應難受世間羈
鞭箠多見馬之傷飲斃惟應性所良是物亦
能思脫鼻有身何用絆名韉
紛々相馬盡王良縱有千金無九方誰覩天
機摸得此人間真見牝而黃
胡兒湔刷異凡群馬色成龍潑黑雲金轡絡

頭空受繫攬蹄如怨漢明君

地上瘁磨八尺駘橫行千里足駢騰黃金不
必增高價端合歸從鐵面丞

當年渥水孕房精筆下奇姿世共驚龍性不
宜成地用挈雲還欲上雲征挈一作翥

奉送李同年季雅公清觀察嶺南

人間此別寧復恨流落深知更黥然白首重
者相遇日青春還憶並遊年金章豐合吾從
後玉署曾推子在前枯草明光今復起却瞻
鵬翼海雲邊

擾々浮生悲尚寐漫々長夜問何其人心未
見誠如此天意猶妨欲有為寧使 聖朝憂
大祲不堪民事苦流離此行定採南中俗須
記棠陰蔽帝詩
未死重来兩白頭豈知墮履竟還收別情肯
向盃中盡詩興兼須嶺外求蠹石有時成獨
詠海雲何處付冥搜此翁尚有風流意鏡鐸
年來定未休

在驪江村莊夢態兒感而作

高堂白髮屬吾思子孝那如父母慈屈指離

家今幾日夜來先夢小態兒

送韓子純水觀察江原道

童稚情親四十年古人詩得我心先尋常懷
舊頭猶白離別多時意自憐末契已非朝暮
淺名途知保始終全甘棠一爰應畱愛家世
惟公孝性偏

驪村雜詠

心休成大拙夢怕涉驚濤買地日耕秣開園
為種梅窓臨民水迥門對鴨山高悟得逍遙
意得名搖是勞

送崔公觀察湖南道

當年零落卧滄洲幾度聞君出衆流
膽破奸權管怪事心蘇賢俊贊嘉猷
吹噓起廢曾多力摩撫醫瘡任獨憂
此去佇看南國化相思應到歲星周

湖南清絕曾傳詠行過篔簹橋
袖來到康聚觀金王節平時要試琢
磨才新聲劃發隨風遠舊弊曾蒙轉
手開想見政清遊刃地閑情應復賦
官梅

送趙甥季任士秀再赴燕都

天保吾門世有勞黑頭君已到南曹
凌寒作別驚霜雪切骨分飛戀羽毛
河伯再觀東海大文星增彩址及高
舊傳清德人爭識後殺皇朝史氏毫

送李監司李雅無尹咸興府舅氏林公
為咸山半刺時予作贅館于二室只今
四十年來一街零落殆盡送公之歸感
念存沒追記惘然之意云

追憶咸山思欲煎不目離別已潛然
百川江上千株柳七寶池中萬朵蓮
景物只應渾似

舊浮生那得掩如前誰知白首天官宰曾是
衙門最少年

秋官契會圖

分明象典儘昭垂刑到無刑自有期 王教
仔看歸極日民情難致協中時持平不數張
廷尉直道何妨柳士師珍重諸郎相助理却
圖蘭契要吾詩

謝仁卿寄竹簟

截得琅玕織水紋湘江何日割秋雲綠陰黃
鳥炎風裏恰試恩情更謝君

七月二十日與驪興金使君泛舟于興

原赤辭下兼示關東伯黃公 孝獻

京國十年舊江船此日逢水深驪馬窟雲鳴
鳳鳴峯每惜追遊少寧知禮法慵回君問東
伯為謝記衰翁

黃州赤壁蘇仙後天下知名擅勝遊只恨茲
遊無二賦江山誰識此為優

次安注書楚宮黃花韻 楚

家在南山菊幾黃北窓誰使老英雄應憐晚
節同心臭著得詩中無限功

消息悠悠、歲累遷忽聞佳會菊花前從知幽
事傳芳久只見清詩興亦頗

二十年來始寄聲豈曾看得種蘭蕙名園岑
寂風霜晚獨對疎花抱遠情

惆悵江湖未死身更遮西日踏紅塵東籬真
逸南山老白首相逢愧古人

策、秋風動樹枝故山何處鎖柴扉白頭羞
殺樽前菊却笑黃金帶十圍

次韻賦圭庵兼賦吾廬

城南地僻類吾居亦識朱門生事疎愛酒只

宜頻問月耽山何用更焚魚歸朝幾度隔新

政入室唯應檢舊書彼此欲論同氣味小軒
清夜座須虛

追憶前遊寄問清神主人

福星溪畔客爭候金氏樓中夜繼遊當日笙

歌人復散只今雲雨事無留青山却似橫遮
眼白髮還能颯滿頭為問清神安穩未通來

消息月三鈞

送江原李都事

人世情親二十年白頭離別意茫然看花相

憶應回首曾直西曹雨露邊
江山如待玉人來三月將闌花始開却憶烏
沙滄海路夢中猶踏野棠迴

題薇垣契會圖

蠶頭未與同脩契鳳席曾叨七作僚猶想紫
薇回白看喜看皂鷄上青霄應遵古事供疏
紙須盡忠言答 聖朝更擬題名身亦老却
慙蕪剡已成雕

夏部與昌邦公同賞池蓮

雲樹中分二十年白頭相對兩依然芙蓉自

與人同調為送清香到坐邊

月窓彈琴

香撥朱絃手自提數聲清怨月凄、巫山神
雨叢鈴散湘水靈風寶馬嘶吟罷獨憐平去
楚歌殘空笑窳窺齊欲和猗蘭調不得碧天
寥落曉星低

詠老驥

曾從少隊過西陲霧鬣霜蹄絕世姿銅櫪未
看肥作病玉關那得卧思惟空聞市上收金
骨無復人中相乳驪更欲驍騰身已老夜牕

風雨齧枯糞

題安亭

村獮老人那不軾里名貧士愛茲來南陽耆
舊龐公最西漢文章楊子才亭宇已空雲物
改酒旗何處杏花開樵兒未解風流遠猶唱

蛇山別曲迴

蛇山別曲安亭居士所撰也授人至今猶歌之

三月三日招尹李兩君同與踏青

秋佳春勝古今來九之三節序催芳草似
裙隨地綠杏花如雪繞村開多日遣興臨池
水却為吟詩上石臺欲償風光還有酒等開

誰與踏青回

送錦山郡守之任舅氏林公曾為此郡

嘗曰省覲往來者再郡有寺曰智慈寺

之山乃七代祖栗亭尹氏族葬故里有

三狀元碑曰君之行感念舊遊且托松

梓俾無剪伐云

山鎮名區錦作堆只應僕我使君來舊遊零

落人誰在此去登臨菊正開七世墓荒空有

棘三魁碑古但餘蒼欲憑別語深相托却愧

仍雲是不才

右用錦之客歸板上韻

金華別集三
病裏山齋即事接寄終南李任兼示眉
叟兩令公求和

自是嬰老疾還如識世紛
夢涼荷瀉露衣潤
石生雲作吏真魚隱
栖山不負君清芬
誰可
共持此欲相分

六堂鄉飲詩次韻

怡養堂

忙時神馬坐猶馳
歸後庭柯看亦怡
江上有
臺真可庇世間
無地不成歌
貧能寘欲纒
糊
口樂在安心少
皺眉却笑養真山
澤士吸風

餐月著功奇

娛老堂

塵間蹙蹙儘成虞
物外逍遙足自娛
有道可
能真喪我相
忘何用嘆
猶吾滿床書
卷唯師
友入眼
湖山是畫圖
娛老有堂仍
序齒
幾回
鄉飲倒瓶盃

浩然亭

高亭獨坐思
翛然仰面惟
應不愧天
萬物向
來看一馬
百年何處
覓三鱣
神遊已熟
清塵
鑿逸興
方酣棹玉
舩醉裏拍
攔歌浩
江
山

隨分亦前緣

觀瀾臺

觀瀾臺下水灣，有本須知必有湍。風力細時羅縠慶，浪花高處玉螭蟠。分明靜影臺沉碧，寂歷涼聲夜送寒。濯足濯纓皆自取，滄浪歌罷整巾冠。

貯月堂

將身如在月中央，庭樹飄香桂葉蒼。玉杵未餘凡已幻，銀橋何翅骨生涼。容光不必藏蟾兔，逸世非關學柳詳。夜久便成天上坐，廣寒

飛入此高臺

嘆逝臺

江流袞袞勢洄洑，嘆逝人今安在哉。道骸元來長不息，年華一去竟誰回。及時行樂非無地，取比為仁更有臺。今古如斯知未往，夢驚中夜一聲雷。

送堂姪元亮潛之任泰仁二首留所画

墨竹八幅及之

追惟玉署曾同直，銀燭高花看夜摧。白晝幾年憐賦鵬，青雲今日欲嗔灰。韓湘素有三山

志蔣琬元非百里才
斲試牛刀鷄亦可武城
要得古澹臺

萬事紛々劇似雲
此身於世轉無根
百年聚散常如此
六載仇讎未足云
衝雨征鞍何日定
先花回鴈幾時聞
傳神有箇蕭々竹
相對軒屏擬見君

春陰

濛々漠々又依微
欲雨將晴更作霏
氣應池臺滋碧蘚
潤生簾幙裏
春衣老知臂膝年々
瘠愁覺花枝日々稀
九十風光空暗度
一罇

相屬莫相違

次嶺南樓韻

分明霞鷺水吞天
安得登臨落我前
官路春苔開句裏
龍山秋色到罇邊
清淮未賞籠沙月
黃鶴難尋入石煙
羈宦却悲韓愈記
勝遊空負子安筵

仲秋翫月

卜居東洛城地勝景俱清
白首中秋望青山
萬古情人傳今夜
好月向此間
明浣溪魚吏
穩何得獨專名

獨直內曹聞夜雨

江湖當日亦憂君
白首無眠夜向分
萃省寂寥疎雨過
隔窓桐葉最先聞

杜城令所画白黑二鷗

竒姿颯爽異凡材
誰奪天機筆下胎
雪色羽毛寧擊去
錦文條鋌肯呼來
風生朔野神應王
霜落寒空眼自開
堂上搏飛元不合
樑間燕雀莫深猜

胡山迢遞冷雲迷
曾托危巢羽翮齊
杜子解稱來自北
補生寧賦挺於西
應漸莫黑林鴉

識故啄深紅錦
鏡啼誰道幻形
公子手異姿
非復闔田鷄

夜卧料理田園事偶吟

自笑心多事
翻令夜少眠
耕雲須有犢
釣水可無船
富貴應為累
江山亦不蠲
歸從赤松子
超世學長年

臈月望夜雨雪

常好看圓月
頗嫌有密雲
清光何處照
暗響夜來聞
玉兔寒慵杵
青娥獨斂欣
中天應皎皎
下界謗紛紛

金齋九集三
嘉靖癸卯夏余方在病中勉副朴侯勤
請為作嶺南樓重修記且次前韻書之
于卷以示吾甥趙叅知士秀公慨然曰
姪昔年目使事得覽茲樓先祖嘗從事
嶺南時亦和是韻鏡諸板上手跡尚宛
然云余夙遭凶閔生年四歲乃失所恃
未省先公典刑為何如春秋雨露永慕
無窮即聞趙甥之語不覺嘆吒悲涕復
次其韻追記卷末以寓終天罔極之意
嗚呼痛哉

髻稚年來解怨天不曾知有過庭前眠雲立
月乾坤內濡雨露霜艸木邊聞說碧紗餘筆
跡欲將丹荔事香烟眼穿南斗空回首金碧
新樓謗錦筵

中原朴使君并遣問且喻以流下草堂
材以詩謝之

異鄉愁疾應無業客路飄搖歲月闌已恠鵲
鳴驚野夢忽看書問到林闌春山伐木思人
遠雪水乘標下峽難未就一巢鳩計拙幾時
容膝更怡顏

趙叅知季任公投示詩卷乃與雲卿令
公往復酬唱也次其元韻三律其一示
季任其一示雲卿其一自詠無示二公
浮世難看一日閑白頭今復抗塵顏自憐方
朔全沉陸誰識陶潛本在山燕石隕星寧足
數隋珠抵鵲未應慳哦詩憶甬寬愁思青州
池塘夢往還右示季任
身衰面皺覺神疲文苑追隨憶舊時江上琴
高空有網寺中鴨脚已無枝元龍豪氣今消
盡子長文章老益奇只賴吾甥還可畏令人

開卷慰相思

東江琴高北寺鴨脚乃
書堂古寺右示雲卿

峯高木古且崑回門閉常稀為客開書室琴
碁多病廢土階蒼竹足煙堆幸憐老馬長途
用只覺餘生白髮催悵悵江淹今退筆清詩
誰敵二公才以病不赴
燕都使老馬長
途之事右自
詠無示二公

聖居山萬日庵

聖居迢遞列雲屏誰創仙扃逼斗星洞口早
春水雪白海門斜日水煙青金龍歲久飛高
棟石佛天成坐鍊形深處結茅吾欲老德璋
那得勒山庭

權君客為昭格署令慎君希說鄭君明

善二人為參奉三人者皆舉甲午司馬

為同年也同年而同官又結同心之契

是三同也會于三清洞地名又三之人

又會于此豈非天数存於其間也嘉靖

癸丑三之日書此絕於軸適及三年而

還亦恐無非數也

三清勝跡尋前契依舊青山入画間座上酒

仙今已散杏花空折祭星壇

春寒

漠、雲沉日調刀遍樹顛雪飛將近地風逆

忽昇天病怯春寒重愁添臆酒煎顏紅儻可

借髮白柰蕭然

奉送圭庵

字麟壽

觀察湖南

欲托神交久未堪白頭猶幸賦圭庵虛懷幾

度成相笑莫逆由未在不談知己別送春草

草落花行路雨麤、操刀直割從茲試定把

湖南作二南

踏青于屋山家僮折挿山花數朶戲示

座上

兒童強解留春住折挿山花最可憐世上榮
枯皆類此為君聊作暫嬋娟

聞鄭郎衡自京挈舟來訪阻雨宿月溪
龍門等處

離別悠悠又一年今朝消息忽真傳龍門暮
雨迷行騎月峽春花滿繫艇宿處幾同江上
鳥夜來先得夢中聯想應伯近驪岳下鸛野
民川眼欲穿

奉謝留守朴壯元昌邦惠雉

庭空門閉客來稀剥啄聲聞日午時駱洞故

人多卧病松京留後寄相思映冰形狀山梁
物滿筋膏蕪澤裏肥口腹亦知珍重意白頭
還戀野虞期

食新麥有感

曩作官羊食太倉向來名利入膏肓街塵上
髮能欺白隴麥先秋已報黃終見爛頭成至
味更催炊黍試新嘗令人悵憶元亨洞餅餌
風前十里香

奉謝盧處士惠細竹簾

今朝忽有山中使前月遙從葭慶莊編箔有

人藏 聖世拜書無路薦貞良雉陽自揀娟
娟竹簾額猶含細香從此企齋添一興駱
峯嵐翠捲秋光

送林鵬令公赴燕京

流落相逢晚化離又值秋燕雲行入眼禁月
幾回頭示共黃荅酒空留白髮愁 皇朝新
禮樂送子擬觀周

任君有和復用其韻

勝日尋幽取次來不嫌游躅踏蒼苔百年未
事丹砂訣青鶴峯前夢獨迴

次安城板上韻

當年潦倒過春城仗節重來意未平沽得濁
醪知有主杏花村戶不分明

人日即事次板上諸公韻

山園古縣當層城地帶水泥作遠程文簿困
人還入夜夢酣簷雨已春聲

全庵主人盧姓楫其名嘗試於世觀其
可行之兆知其兆之終不能行卷而歸
之卜得幽貞之吉結庵而居之自號曰
全請余詩若文以志其事曰全之義非

一有全其性者有全其身者全其性者
身亦無不全以其身者或不能全其性
吾於全性之說何敢然亦或庶幾焉爾
子曰盧生乎子真所謂警余者乎夫欲
全其性者出者難而處者易出者博收
功難處者約用力易吾出二處其於全
性也吾難而子易子既得其且而今反
求其語於莊可乎然姑以二言與約子
其志之

出處窮通揜在天竺將軒冕較林泉山中事

業無堯舜卷裏工夫有聖賢役豈曾知義
命真非故慕枯偏一庵光景陶茲樂忘食
忘憂只自全

全得天真分自甘慶在佳處結茅庵
嵩泉送靜心唯獨山月窺幽影與三
聊復斬成春服詠偶然時帶濁醪
酣居常處順從容意長對顏回夢裏談

題報恩縣衙草亭

山縣煙霞古茅亭公事微鳥鳴春晝靜鈴斷
吏人稀鏡作蓮池面苔成石砌衣百年難會

地坐久却忘歸

奉送趙甥季任觀察海西道

青冥玉節頌黃海白日金章映黑頭離別不堪頻
把手經營其奈要分憂陶成豐歲方能教惠此勞民
尚可休開盡芙蓉堂上坐有時吟罷海西流

南溟北極將西塞平世駢々盡瘁身永在露壺寧比潔玉磨山石却生真行數至化龍光動寫出清詩海色新每別瓊枝人自老幾回思夢草生春

中原兩朴使君枉問草堂即席以謝

小選蒙茸長草萊席門曾未為賓開稚子出看鷄犬亂老妻驚報使君來

朴使君於別席為吟老杜為嗔王錄事不寄草堂贊之句用以為韻謝之

元亮歸來千載餘有誰真解北窓味而今懶性白頭卧漸似楊朱多自為

未退已悲為物役既閑今得養吾真眼看左右圖書在一任妻孥朝暮嗔

曾霑 雨露潤枯楊清夢尋常到玉堂敢有

江湖憂世意已無毫髮報 明王

為農為圃且為漁舊業如今存不得白頭經

幄談王霸青簡終慙太史錄

自喜簞瓢學孔子不妨畎畝樂莘摯張生病

後憂衣食未信心中無一事

曾上蓬萊頂上游白頭湖海夢悠悠西風此

日吹孤興琪樹瓊花似舊不

詩如古調軒轅律文似大羹玄酒味見說陶

編新入梓莫忘重寫遠相寄

州方印陶詩曾
并相寄故云

元亨樂土使君寬自恨歸來苦不早村西已

卜揚雄宅白首太玄猶未早

田家秋事少登塲紅稻微收酒熟香栗欲過

拳棗纂之竹輿何日到茅堂

思人空復賦緇衣且誦園頽別後詩二十八

珠箴篋笥傳家應作萬金貲

病不赴衡之約簡謝

聞說川原翠幙排侯如雲白鼓如雷村西老

病秋潦慄開得柴門午不開

企齋八詠

東池春水

芳草萋、夢裏青雪消春水滿池生微瀾不
起清如許須信吾心一樣平

栗亭明月

亭中雙栗報西風白首青琴一病翁歌到華
山三疊曲夜深明月影童、

南畝農歌

均、平野南東畝插盡春秋雨細時絲管不
曾歌此曲山前山後聽橫伊

露石釣魚

隣翁有約趁清晨石露為磯鮮自春鉅渡蝦

行渾不管錦鱗無數上鉤頻

坪里煙花

織得天機造物工滿空春氣暖初濃望中村
店依山際花帶晴煙一萬重

民川遠帆

東注長川遠欲回兩山相對一門開小窓納
盡江南興又見孤帆帶雨來

鴨山秋色

烏飛鴨起紫煙凝蒼壁無梯暗古藤一夜清
霜和鴈過滿簾寒色落層、

鶴野晴雪

黃雲回雪晚紛々原隰高低撼不分孤棹擬
穿銀海去玉峯群處拜靈君

企齋別集卷之三

